

“ gloria præditus, qui sacrificio nonagesimo nono peracto destitit, *INDRÆ*
 “ invidiæ leniendæ caussa.

75. “ Illo terram moderante, ne ventus quidem turbabat feminarum ebria-
 “ rum in media horti via somno sopitarum vestes, quis eas abripiendi caussa
 “ manum extendere ausus esset?

76. “ Ejus filius, *RAGHUS*, locum patrium tenet, qui magnum sacrifi-
 “ cium *Visvajit* peragens opes suas, e quattuor mundi regionibus collectas
 “ atque adauctas, usque ad vas terrenum effudit.

77. “ Cujus gloria infinita, quæ montes ascendit, ad maris fundum per-
 “ venit, serpentum habitationem ingressa est, ipsumque cælum attigit,
 “ quantitate definiri nequit.

78. “ Ex illo juvenis iste *AJAS* natus est, velut e cœli domino *JAYAN-*
 “ *TAS*, qui, ut juvencus tauri instar, sic patris instar grave terræ onus
 “ portat.

79. “ Eligas tu eum, qui stirpe, pulchritudine, recenti ætate, variisque
 “ virtutibus, inter quas modestia elucet, tibi congruus est: jungatur gem-
 “ ma cum auro!”

80. Tum *SUNANDÆ* voce cessante, filia regia, pudorem exuens, adspectu
 suo amore splendente, quasi corona solemni, juvenem accepit.

81. Præ modestia illa amorem suum in hunc juvenem effari non potuit,
 sed hic e tenero corpore puellæ cincinnatæ processit quasi sub pilorum
 horrentium specie.

82. Janitrix, cum amicam in hoc statu videret, subridens sic locuta est:
 “ Veneranda, aliorum eamus!” Sed puella indignata oculis obliquis eam
 adspexit.

83. Illa, cujus femora carpis similia erant, per ducis suæ manus sertum
 pulvere odorato flavum, veluti amorem suum corpore indutum, *RAGHUIS*
 filii collo justo loco injici fecit.

84. Hoc serto, felicibus floribus nexo, in latum pectus dependente redi-
 mitus, juvenis eximius *Vidarbhæ* regis sororem brachiorum vinculum collo
 suo injecisse putabat.

85. “ Ecce *KAUMUDIM* cum luna nubibus vacua conjunctam! Ecce